

Wien, Österreichische Nationalbibliothek (ÖNB), Cod. 4304

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1757

P O L E M I C I .

1758

erit, nisi dicas *Mathiam Parisensem* se ipsum, ut Autorem a se diversum, citasse, quod vix probabile. *Codicem* porro in *Bohemia* scriptum testantur Membranae duae eum ambientes, quarum anterior continet Notitiam publicam Census mediae *Sexagenae grossorum denariorum Pragensium* venditi a *Wenceslao Waijgbarth* Cive *Eylavieni* *Nicolao Plebano* in *Gerczan*, Cujus testes *Jacobus anas Cuba* *judex* — — *Frana Sutor*. *Joannes Mudry*. *Wencesl. Synek*. *Martin. Holacz*. *Johannes doleator*. *Datum et adum in Eylav. Anno domini Millefimo quadringentesimo XVI°. feria tercia post oſtavas epifanie domini*. Posteriori fidem facit *Nicol. Werkmeister* *Judex* et *Nicol. Coblenz Magister ciuium* cum aliis Consulibus *Ciuitatis Zacen*. a *Nicolao de Strancz* certam *Grossorum Pragensium Summam* persolutam esse *Bertoldo Kerzen*. Notae temporis abscissae fuere.

CCCCXLVII.

487 Codex chartaceus lat. Sec. XV. Folior. nunc 259. 4. manu difficiili minute scriptus, foliis cum in medio, tum in fine mutilatus, multumque situ paſſus est *Concordantia IV. Evangelistarum*, cuius Prooemium incipit: *Lex seu doctrina ewangelica perfectissima est per se sufficiens ad regimen ecclesie militantis cui non licet quicquam addere uel subtrahere &c.* Ita totidem paene ver-

bis *Job. Hussus* in *Scripto de Sufficientia legis Christi*, T. I. Opp. 1715. p. 55. *Lex Jesu Christi est sufficientissima, requista ad regimen Ecclesiae militantis, cui non licet quicquam addere vel subtrahere*. Ut adeo ab hac *Theſi Magistri Tractationem suam* auspicari voluisse videatur Discipulus aliquis, aut *Tractatio ad ipsum Hussum* referenda fit. Atque posterius istud aliquam inde veri similitudinem nanciscitur, quod, quamvis inter *Hussi Opera* nemo *Concordiae Evangelicae* meminerit, nostra tamen praefens cum Ejus *Historia Gestorum Christi et Passionis Christi ex 4. Evangelistis in unum collecta* P. II. Opp. p. 1. et 8. non parum conveniat, haecque duo Opuscula majoris Operis veluti Compendium haberi queant.

Codicem anno 1516. possedit Sacerdos *Bohemus* ille *Wenceslaus Rossa Cbrudimens*. cuius plura *κτηματα* jam hactenus retulimus.

CCCCXLVIII.

Codex chartaceus lat. boh. 668 Sec. XV. Folior. 189. 4. *currente calamo*, non una manu conscriptus *Sermones* continet in Dominicarum Evangelia et Epistolias, non observato temporis ordine, nec deductos semper, sed non raro συγχριτικως exhibitos. Ita Thema Sermonis I. *Jam vos mundi estis propter sermonem quem locutus sum vobis. Job. XV.* mox sic digeritur: *Et sic sermo erit*